

Agong, Raja Permaisuri zahir ucapan tahniah kepada HTA

SHAH ALAM - Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah dan Raja Permaisuri Agong, Tunku Hajah Azizah Aminah Maimunah Iskandariah menzahirkan ucapan tahniah kepada Hospital Tunku Azizah (HTA) di atas kejayaan pembedahan pemisahan pasangan kembar siam pra-

matang pertama di Malaysia.

Menerusi catatan di laman Facebook Istana Negara, Seri Paduka Baginda berdua turut menzahirkan rasa sukacita dan bangga atas kejayaan pasukan itu yang sekali gus mencipta sejarah sebagai pembedahan pertama seumpamanya di Malaysia.

"Seri Paduka berdua menzahirkan rasa

syukur apabila pasangan bayi kembar siam jenis omphalophagus tersebut berjaya dipisahkan tanpa komplikasi.

"Baginda berdua turut mendoakan agar pasangan bayi kembar siam tersebut berada dalam keadaan yang baik dan segera pulih serta dapat menjalani kehidupan seperti kanak-kanak lain," menurut kenyataan Istana Negara.

SINAR HARIAN 21/3/2022 Page 13

HTA lakar sejarah berjaya lakukan pembedahan ke atas kembar siam pramatang berusia 17 hari

66 minit pisahkan kembar siam

KUALA LUMPUR

Malaysia melakar sejarah apabila kembar siam pramatang yang baru berusia 17 hari berjaya dipisahkan menerusi satu pembedahan dijalankan di Hospital Tunku Azizah (HTA) pada Sabtu.

Pakar Perunding Pembedahan Kanak-Kanak HTA, Datuk Dr Zakaria Zahari berkata, pembedahan ke atas bayi lelaki seberat 2.7 kilogram itu terpaksa dilakukan segera disebabkan komplikasi *extrauterine twin-to-twin transfusion syndrome*, meskipun pembedahan seumpama itu biasanya dilakukan pada umur tiga hingga enam bulan.

Menurutnya, pasangan kembar tersebut berjaya dipisahkan dalam masa 66 minit tanpa komplikasi besar.

"Kembar siam jenis omphalophagus ini didapati berkongsi bahagian hati namun organ-organ lain didapati normal.

"Proses persediaan untuk pembedahan dimulakan seawal jam 7.30 pagi dan kedua-dua bayi kemudiannya dihantar balik ke unit rawatan intensif neonatal (NICU) pada jam 2 petang.

"Dengan sokongan pasukan Neonatologi HTA, diharapkan kedua-dua bayi ini dapat sembuh dengan sebaik-

baiknya," katanya dalam satu kenyataan menerusi Facebook HTA pada tengah malam Sabtu.

Bayi kembar berkenaan dilahirkan di Hospital Raja Permaisuri Bainun (HRPB), Ipoh pada usia 33 minggu kandungan sebelum kes dirujuk kepada HTA.

Seramai 13 pakar serta hampir 20 ju-

ruawat dan staf dewan bedah kanak-kanak terlibat secara langsung bagi menjayakan pembedahan bersejarah yang melibatkan bayi kembar siam pramatang pertama di dalam negara dipisahkan.

Untuk rekod, sejak pembukaan HTA, ini merupakan pembedahan ketiga untuk pasangan bayi kembar siam.

FOTO: FACEBOOK HTA



Bayi kembar siam berusia 17 hari berjaya dipisahkan dalam masa 66 minit tanpa komplikasi besar.



Pasukan pakar, jururawat dan staf dewan bedah kanak-kanak yang terlibat secara langsung bagi menjayakan pembedahan bersejarah itu.